

Održana radionica na temu „Izgradnja integriteta u zemljišnoj administraciji u BiH“

08.04.2016 19:11



U organizaciji CILAP (Capacity Building for Improvement of Land Administration and Procedures in BiH) projekta u periodu od 4. do 6. 4. 2016. godine u Tesliću je održana radionica na temu „Izgradnja integriteta u zemljišnoj administraciji u BiH“. Radionici su prisustvovali predstavnici Federalne uprave za geodetske i imovinsko-pravne poslove i Republičke uprave za geodetske i imovinsko-pravne poslove RS-a.

Cilj ove radionice je podizanje svijest rukovodilaca i zaposlenih u institucijama zaduženim za zemljišnu administraciju o razarajućem utjecaju korupcije na sveukupni ekonomski razvoj i važnosti izgradnje institucionalnog integriteta u svrhu veće odgovornosti, transparentnosti, učinkovitosti i povjerenja u sektor

zemljišne administracije.

Radionica je ponudila mogućnost za razmjenu iskustava kroz diskusiju i rad u grupi, a neke od tema o kojima se razgovaralo bile su: stvaranje što boljih uslova za uspješan proces promjena i ostvarivanje dijaloga o pitanjima integriteta i korupcije, razumijevanje gdje su nedostaci integriteta i ranjivost na korupciju i zašto oni postoje, osiguravanje razvoja preventivnih mjera i radnji, kao i potreba izrade akcionog plana o radu na integritetu u upravama za zemljišnu administraciju za 2016. godinu.